

16 JUN 2000

MAHATHIR-PUSAT PERISIAN/I

DR M RASMI PELANCARAN PUSAT PERISIAN MOTOROLA

CYBERJAYA, 16 Jun (Bernama) -- Perdana Menteri Datuk Seri Dr Mahathir Mohamad hari ini merasmikan pelancaran Pusat Perisian Malaysia Motorola, sebuah pusat bagi pengembangan perisian dan penciptaan kandungan Internet dalam Koridor Raya Multimedia (MSC).

Acara tersebut berlangsung di Cyberview Lodge di sini.

Pusat Perisian Motorola ini, yang sekarang terletak di Kuala Lumpur dijangka dipindahkan ke Cyberjaya tahun depan.

Pusat ini dijangka memainkan peranan utama dalam MSC, khususnya dalam industri perisian dan kandungan Internet.

Bermula dengan tenaga kerja hanya lima orang pada 1 Mac, 1999, pusat itu kini telah berkembang dengan dianggotai oleh hampir 80 orang jurutera perisian bertaraf tinggi.

Pusat itu sekarang berada pada peringkat terakhir persiapannya untuk berpindah ke Cyberjaya.

-- BERNAMA

RIZ KY MA